



題跋

渭南文集

渭南文集卷第二十六

山陰陸游務觀著

跋

今上皇帝賜包道成御書崇道庵額

開禧某年某月甲子 皇帝親御翰墨書崇道庵三字  
賜妙行先生臣包道成以示故史官臣陸某將刻之石  
具載歲月及被賜之出示天下後世臣某竊聞臣道成  
實晉陵人少學黃老之說以劬身濟衆為事寓跡都城  
三十餘年築堂以居凡以黃冠褐衣至者靡不館之往  
來千人蓋嘗有神僊口其人混於衆中道成獨默識之而

不言會稽光孝觀故也乾明天聖間章獻明肅皇后  
遣中使築之久壞不以其道成談笑復其舊凡都城橋梁  
道路皆力治之費至緡錢百餘萬建東嶽廟吳山上旣  
成又即其傍築室以奉真武左江右湖氣象雄麗而道  
院屹立於廡外鍾磬步虛之聲在雲霄間都人爲之心  
駭神竦於是皇帝聞而異之故有扁榜之賜臣某犬  
馬之年駸駸九十獲在聖主仁壽域中且嘗獲絢繹  
三朝金匱石室之藏今雖篤老猶幸未病廢得以紀稀  
濶盛事豈非幸哉開禧二年歲在丙寅三月某日太中  
大夫充寶謨閣待制致仕山陰縣開國子食邑五百

賜紫金魚袋臣陸某昧死稽首再拜謹書

跋尹耘師書劉隨州集

脩書人韓文持束紙支頭而睡偶取視之劉隨州集也  
乃以百錢易之手加裝褫紹興二十五年正月八日陸  
某記

尹耘師耕郟里前輩與九伯父及先君游此集蓋其手  
抄云紹熙元年七月望某再跋

跋唐御覽詩

右唐御覽詩一卷凡三十人二百八十九首元和學士  
令狐楚所集也按盧綸墓碑云元和中章武皇帝命侍

臣采詩第名家得三百一十篇公之章句奏御者居十之一今御覽所載綸詩正三十二篇所謂居十之一者也據此則御覽為唐舊書不疑然碑云三百十一篇而此纔二百八十九首蓋散逸多矣姑校定訛謬以俟完本御覽一名唐新詩一名選集一名元和御覽云紹興乙亥十一月八日吳郡陸其記

跋文武兩朝獻替記

學者當以經綸天下自期此書不可不見也但傳本繆誤幾不容讀以它書尋繹之十得四五云紹興丙子臘日務觀題

跋采禪師蒙泉銘

右妙喜禪師為良上人所作蒙泉銘一首徃予嘗晨過鄭塢功博士坐有僧焉予年少氣豪直據上坐時方大雪寒甚因從禹功索酒連引徑醉禹功指僧語予曰此妙喜也予亦不辭謝方說詩論兵旁若無人妙喜遂去其後數年予老於憂患志氣摧落念昔之狂痛自悔責然猶冀一見作禮懺悔孰知此老遂棄世而去耶雖然良公蓋一世明眼衲子不知予當時是即今是試為下一轉語隆興改元十一月五日笠澤漁隱陸其書

跋修心鑑

右 高祖太傅公修心鑑一篇初公生七年家貧未就學忽自作詩有神僊語觀者驚焉晚自號朝隱子嘗退朝見異人行空中足去地三尺許邀與俱歸則古仙人嵩山栖真施先生肩吾也因受鍊丹辟穀之術尸解而去然其術祕不傳今惟此書尚存某旣刻版傳世并以七歲吟及自贊附卷末庶幾篤志方外之士讀之有所發焉亦公之遺意也隆興二年七月二日元孫某謹書

跋邵公澤詩

先子入蜀時與邵子文遇於長安同遊興慶池有詩倡酬相得驩甚夜讀公濟詩超然高逸恨未嘗得講世舊與文盟也乾道元年五月十八日笠澤漁隱陸某書

跋坐忘論

司馬子微師體玄先生潘師正體玄師昇玄先生王遠知昇玄師貞白先生華陽隱居陶弘景故體玄語子微曰吾得陶隱居正一法逮汝四世矣乾道二年天慶節借玉隆葺室本傳漁隱子手記

跋查元章書

李份事士大夫謹以故得書帖多不可數然閱其書至不敢與他札偕臧者元章吏部一人而已份一吏耳知敬元章如此豈知元章仕於朝旣不容去而居幙府又

不容自引於數千里外赤甲白鹽之間乃少安嗚呼亦可歎也夫丙戌上元後三日漁隱書

跋高象先金丹歌

右玉隆萬壽觀本序言有注解而不傳亦不知序者爲何人也丙戌二月八日務觀書

又

國初有真象先淳化中爲三司戶部副使少從戚同文學與宗唐許驤陳象輿郭成範王礪勝涉齊名不言其所終亦不知其鄉里恐即此人然序言名先字象先又似別一人神仙隱顯不可必知聊記之耳辛亥炊熟日

書

跋天隱子

最後易簡漸門二說非天隱子本語他日錄本當去之丙戌三月中休傳本於玉隆萬壽宮 漁隱

東坡先生以爲天隱子真司馬子微所著也傳本後二十五年紹熙庚戌冬至日書

跋造化權輿

先楚公著埤雅多引是書然未之見也乾道三年孟夏十八日傳自玉隆藏室甫里陸某謹題

跋老子道德古文

右漢嚴君平著道德經指歸古文此經自唐開元以來  
獨傳明皇帝所解故諸家盡廢今世惟此本及貞觀中  
太史令傅奕所校者尚傳而學者亦罕見也予求之踰  
二十年乃盡得之玉笈藏道書二千卷以此為首漁隱  
陸某題乾道二年十月十日

跋卮菴語

乾道庚寅十月入蜀舟過公安二聖見祖珠長老得此  
書珠自言南平軍人得法於卮菴云

跋武威先生語錄

豐清敏公為中執法論事 上前曰司馬光呂公著皆

嘉定改元六月壬辰山陰陸某務觀書于三山老學菴  
時年八十四

跋陳伯予所藏蘭亭帖

予監定此本自是絕佳然亦不必云唐舊刻也卷末數  
跋皆吾友王君玉所錄黃太史魯直語竊恐未必然蓋  
周孔無過蘭亭筆法亦無過學者步亦步趨亦趨猶或  
失之豈可以輕心慢心觀之哉若以夫子嘗自謂有過  
孟子云周公之過遂據以為周孔有過乃醉夢中語也  
嘉定改元十月庚午陸某書

跋坡谷帖



先大父左轄元祐中自小宗伯自請守穎逾年移南陽而蘇公自北扉得類與大父為代此當時往來書也書三幅前後二幅藏叔父房其一幅則從伯父彥遠得之亡兄次川又得於伯父此是也傳授明白可以不疑而或者疑其出於摹倣識真者寡前輩所歎嘉定元年十二月乙亥山陰陸某謹識

跋山谷書陰真君詩

此石刻在夔州漕司白雲樓下黃書無出其右者嘉定己巳四月辛卯放翁書

跋呂尚書帖

右尚書呂公給事傳公往來書二卷書曰昔先正保衡作我先王語曰起予者商也蓋臣當有以作其君弟子當有以起其師而况朋之際乎二公可謂無負於古道矣使此書廣傳安知百世之下無興起者嘉定己巳秋七月辛亥山陰陸某謹識

跋傳給事帖

紹興初某甫成童親見當時士大夫相與言及國事或裂眦齟齬或流涕痛哭人自期以殺身翊戴王室雖醜裔方張視之蔑如也卒能使虜消沮退縮自遣行人請盟會秦丞相檜用事掠以為功變恢復為和戎非復

諸公初意矣志士仁人抱憤入地者可勝數哉今觀傳  
給事與呂尚書遺帖死者可作吾誰與歸嘉定二年七  
月癸丑陸某謹識

跋熊舍人四六後

裕陵見伯通外制手批付中書曰熊本文詞朕自知之  
荆公亦曰讀熊君奏報如面相語

跋臨汝志

歐陽澈字德明撫州臨川徙崇仁金虜犯關上書請身  
使虜庭馭親王以歸不報建炎初狀關上書論大臣誤  
國太學生陳東亦上書所言畧同遂併誅二八年三十

山先生曾文清公書萬里羈旅不自意全撫卷流涕乾  
道九年九月旣望刻石置漢嘉月榭上山陰陸某識

跋山谷先生三榮集

予集黃帖得贈元師及王周彥三詩甚愛之有黃跡者  
家三榮見而笑曰紹興中再刻本也舊石方黨禁時已  
磨毀矣乃出此卷曰是舊石本其筆力精勁蓋如此因  
錄藏之淳熙之元二月二日務觀書

跋硯錄香法

硯錄舊有本而亡之香法蓋未之見師房者濟南衛昂  
也娶婆婆先生崔得符女晚官巴峽死馬乾道辛卯冬

予得此編於巫山縣師房手鈔也已腐敗不可讀乃錄  
藏之後三年淳熙之元二月三十日蜀州漱玉南窓務  
觀書

跋唐修撰手簡

某之曾外大父質肅唐公守并州故給事中呂公實為  
幙客質肅為人方嚴少許可或面折人臨川王和甫同  
時在幙中每言見唐公退輒汗滿握然遇呂公特歡他  
客莫敢望也淳熙元年某在蜀州得質肅仲子修撰公  
與給事手帖讀之蓋元祐初修撰使河北給事為御史  
時也書論黃河市易辯指激烈無一語及其私與世俗

責報父客至有謠言者何其遠哉修撰字君益元祐中  
建議棄渠陽城紹聖初坐貶團練副使元符建中之間  
起守許昌方治事得報召蔡京撫案憤咤即日疽發背  
卒某不及拜公而先夫人為言公太節如此敢併記  
之以遺給事之孫教授君云七月二十三日山陰陸某  
謹書

跋蔡君謨帖

近歲蘇黃未帝書盛行前輩如李西臺宋宣獻蔡君謨  
蘇才翁兄弟書皆廢此兩軸君謨真行草類皆備石在  
仙井可寶也淳熙元年九月八日蜀州手裝

跋瘞鶴銘

瘞鶴銘予親至焦山摹之止有此耳殘璋斷玦當以真為貴豈在多耶淳熙之元九月一日蜀州重装

跋西崑酬唱集

通直郎張玠河陽人呂汲公家外甥藏書甚富

淳熙二年正月八日夜讀此集燈架忽仆壞書時傳畢方一日豈歐尹諸人亦有靈耶記之為異時一笑

跋歷代陵名

三榮守送來近世士大夫所至喜刻書版而略不校讎錯本書散滿天下更誤學者不如不刻之愈也可以一

歎淳熙乙未立冬可齋書

跋溫庭筠詩集

先君舊藏此集以華清宮詩冠篇首其中有早行詩所謂鷄聲茅店月人迹板橋霜者久已墜失得此集於蜀中則不復見早行詩矣感歎不能自已淳熙丙申重陽日某識

跋王君儀待制易說

王公易學雖出於葆光張先生然得於心者多矣建炎間胡騎在錢塘明越俱陷王公端居於嚴曰虜快不至此且狼狽而歸自此窮天地不復度江矣其妙於易數

蓋如此淳熙丁酉元日山陰陸某書于錦官閣下

跋崔正言所書書法要訣

德符詩名一代書則未之見也觀此編中字瘦健有神  
米亦類其詩乃知前輩未易以一技名也戊戌重午務  
觀書

跋後山居士詩話

談叢詩話皆可疑談叢尚恐少時所作詩話決非也意  
者後山嘗有詩話而亡之妄人竊其名為此書耳後山  
二子豐登登過江為曾稽曹官李鄴降虜登亦被驅以  
北悲夫淳熙戊戌十月二十四日可齋

跋佛智與升老書

此一編佛智禪師與其法子寒巖升公書也議論超卓  
殆非世儒所及三復歎仰淳熙己亥三月九日建安雙  
清堂書

跋古栢圖

此圖吾家舊藏予居成都七年屢至漢照烈惠陵此栢  
在陵旁廟中忠武侯室之南所謂先生武侯同闕宮者  
與此略無小異則畫工亦當時名手也淳熙六年龍集  
己亥六月一日陸某識

渭南文集卷第二十六

渭南文集卷第二十七

山陰陸務觀著

跋

跋中和院東坡帖

此一卷皆蘇仲虎尚書所藏鑒定精審無一帖可疑者  
刻石在成都大聖慈寺中和勝相院淳熙六年六月十  
七日陸務觀題

跋漢隸

漢隸十四卷皆中原及吳蜀真刻淳熙己亥集於建安  
公署友人莆陽方士繇伯暮親視裝標故無一子差繆

者六月二十一日山陰陸某書

跋晁百谷字叙

名者士所願也而或懼太早何哉吾測之審矣少而得  
名我不能不矜人不能不忌以滿假之心來讒慝之口  
幾何其不蹟也吾元歸年甫二十筆力扛鼎不患無名  
患太早耳雖然洪道方方張其名而吾獨欲其退避揜  
覆元歸未必樂也異時出入朝廷更歷世故會當思吾  
言也夫淳熙庚子二月三日山陰陸某書

跋陵陽先生詩草

右陵陽先生韓子蒼詩草一卷得之其孫藉先生詩而

天下然反覆塗乙又歷疏語所從來其嚴如此可以為  
後輩法矣予聞先生詩成既以予人久或累月遠或千  
里復追取更定無毫髮恨廼止則此草亦未必皆定本  
也大歇庵詩一章徐師川作而先生手錄之亦足見其  
無昔人爭名之病矣故附見卷中淳熙庚子四月二十  
二日笠澤陸某書

跋荆公詩

右荆公手書詩一卷前六首贈黃慶基後七首贈鄧鏞  
石刻皆在臨川淳熙七年七月十七日陸某謹題

跋續集驗方

予家自唐丞相宣公在忠州時著陸氏集驗方故家世喜方書予官遊四方所獲亦以百計擇其尤可恃者號陸氏續集驗方刻之江西倉司民為心齋淳熙庚子十一月望日吳郡陸某謹書

先左丞使遼語錄

右 先楚公使遼錄一卷三十八伯父手書伯父自幼被疾以左手書然筆力清健如此平生凡鈔書至數十百卷云淳熙八年四月五日某謹識

跋朝制要覽

先君會稽公晚歲喜觀此書問為子弟講論因革率至夜分先君捐館舍三十有四年統得此於故廬伏讀悲哽敬識卷末淳熙八年龍集辛丑十一月二十五日山陰陸某書

跋東坡問疾帖

東坡先生憂其親黨之疾委曲詳盡如此則愛君憂國之際可知矣其曰勿使常醫弄疾天下之至言讀之使人感歎彌日淳熙九年五月乙未甫里陸某書

跋東坡詩草

東坡此詩云清吟雜夢寐得句旋已忘固已奇矣晚謫惠州復出一聯云春江有佳句我醉墮渺莽則又加於



少作一等近世詩人老而益嚴蓋未有如東坡者也學者或以易心讀之何哉淳熙九年五月二十六日玉局祠吏陸某書于鏡湖下鷗亭

跋孫府君墓誌銘

方五代割裂時自一郡以上非其國子弟則大將功臣也士大夫仕爲令掾者已爲達官錢氏土境尤感而孫公至專城蓋其國顯人也觀杜公所述亦誠有以得之矣淳熙壬寅立秋日甬里陸某

跋蘇魏公百韻詩

右首一卷丞相魏公謝事歸第且八十時所作也蘇端明賀趙清獻公得謝啓云念平生之百爲一無可恨某於魏公亦云淳熙壬寅立秋日吳郡陸某謹識

跋家藏造化權輿

右造化權輿六卷楚公舊藏有九伯父大觀中題字淳熙壬寅得之故第廢紙中用別本讎校而闕其不可知者兩本俱通者亦具疏其下六月四日山陰陸某謹記後十有四年慶元元年八月十二日重校凡三日而畢時年七十一

跋三蘇遺文

此書蜀郡呂商隱周輔所編周輔入朝爲史官得唐安

守以歸未至家暴卒可悲也淳熙十一年正月十一日  
務觀識

跋蕪山先生易說

郭立之從程先生遊最久程先生病革猶與立之有問  
答語著於語錄而尹彥明獨謂立之自黨論起即與程  
先生絕死亦不吊祭蓋愛憎之論也立之子雍字子和  
屏居峽中屢聘不起亦著易說得其家學蓋程氏亦學  
立之父子實傳之淳熙甲辰二月三十日甫里陸務觀  
云

後六年得謝昌國所贈頤正先生辨尹公說乃知予此  
言粗合也頤正即雍也己酉八月二十八日某書

跋鄭虞任昭君曲

自張文潛下世樂府幾絕吾友鄭虞任作昭君曲如羊  
車春草空芊芊及重暉光射搔頭偏之類文潛殆不死  
也但願夕烽長不驚甘泉妾身勝在君王前能道昭君  
意中事者淳熙甲辰三月二十三日甫里陸某書

跋傳正議至樂庵記

伏波將軍困於壺頭曳病足土室中以望夷賊左右哀  
之莫不為流涕定遠侯在西域三十年年老思土上書  
自言願生入玉門關詞指甚哀彼封侯富貴矣然戚戚

無聊乃如此其他盈滿脆脆畏禍憂誅願為布衣不可  
得者又何可勝歎然則富貴果不如貧賤之樂耶曰此  
自富貴者言之耳貧賤之士仕則無路處則無食自非  
有道君子其憂又有甚者矣正議傳公在學校二十年  
聲震京師同舍生去為公鄉者袂相屬而公始僅得一  
第既仕矣適時艱難妄男子徃徃起閭巷取羨官公又  
棄不用則亦何自樂哉及讀所作至樂庵記自道其曾  
中恢踈磊落所以樂而忘憂者文辭辯麗動人有列禦  
寇莊周之遺風然後知公蓋有道者或曰使天以富貴  
易公之樂公其許之乎予曰公所以處貧賤者則其所

以處富貴也顏回之簞瓢周公之衮黼一也觀斯文者  
蓋以是求之淳熙十一年七月十六日山陰陸某謹書

跋中興間氣集二

高式字仲武此乃名仲武非適也評品多妄蓋淺丈夫  
耳其書乃傳至今天下事出於幸不幸固多如此可以  
一歎淳熙甲辰八月二十九日放翁書

高式字仲武此集所謂高仲武乃別一人名仲武非適  
也議論允鄙與近世宋百家詩中小亭可相甲乙唐人  
深於詩者多而此等議論乃傳至今事故有幸不幸也  
然所載多佳句亦不可以所託非其而廢之

跋齊驅集

此集刻版於宣和三年方是時黨禁猶未解文士蓋僅有見者故本多誤然好事冒法刻之亦竒矣淳熙甲辰重午日陸務觀書

跋柳州集

此一卷集外文其中多後人妄取他人之文昌柳州之名者聊且裒類于此子京

右三十一字宋景文公手書藏其從孫晟家然所謂集外文者今往往分入卷中矣淳熙乙巳五月十七日務觀校畢

跋說苑

李德芻云館中說苑二十卷而闕反質一卷曾鞏乃分修文為上下以足二十卷後高麗進一卷遂足淳熙乙巳十月六日務觀書

跋章氏辨誣錄

徽宗皇帝盛德大度自秦漢以來人主莫能及者尤在交愛蔡王寬貸章惇而史臣不能發明可為太息淳熙丙午十月望陸某謹題

跋釣臺江公奏議

某乾道庚寅夏得此書於臨安後十有七年蒙

恩守祠廬訪其家復得三表及贈告墓志因併刻之以  
致平生尊仰之意淳熙十三年十一月十有六日笠澤  
陸某書

先太傳遺像

先大傳皇祐中以吏部郎中直昭文館自會稽移守新  
定期年請老得分司西京以歸迨今百四十年而某自  
奉祠玉局起為是邦嘗以繼遺躅於是知建德縣事蘇君  
林以父老之請築祠宇于堯率佛寺淳熙十四年春正  
月丙辰備車旗儀物大合樂奉遺像于祠且以公自贊  
道帽羽服像刻之堅珉尉邦人無窮之思朝隱子蓋公  
自號云元孫朝請大夫權知嚴州軍州事陸某謹書

跋高康王墓誌

王岐公文章閎麗有西漢風而宋常山公書法森嚴實  
傳鍾張古學方 裕陵致孝實慈極天下卷故並命兩  
公彰顯高氏先王功烈以詔萬世可以為寵光矣中更  
亂離而墨本寶箴如新殆有神物護持云淳熙十四年  
二月三日笠澤陸某謹識

跋半山集

右半山集二卷皆荆公晚歸金陵後所作詩也丹陽陳  
輔之嘗編纂刻本於金陵學舍今亡矣淳熙戊申上巳

日笠澤陸某書

跋李深之論事集

唐丞相司空李公深之論事集有兩本其一本七卷無序其一本一卷史官蔣偕作序然以考之則偕所序蓋七卷者也淳熙戊申四月十九日笠澤陸某書

跋李荏簡公家書

李文參政罷政歸鄉里某年二十矣時時來訪先君劇談終日每言秦氏必曰咸陽憤切慨慷形於色驛一日平旦來共飯謂先君曰聞趙相過嶺悲憂出涕僕不然謫命下青鞵布襪行矣豈能作兒女態耶方言此時

自如炬聲如鍾其英偉剛毅之氣使人興起後四十年偶讀公家書雖徙海表氣不少衰丁寧訓戒之語皆足垂範百世猶想見其道青鞵布襪時也淳熙戊申五月笠澤陸某題

跋之眾先生稟

有吾文忠公四世孫博學工文章與予蓋莫逆也晚來行在諸公貴人頗知之欲引置要津有毀之者有吾既不偶乃調桂陽令去客姑蘇未繫舟暴疾一夕死哀哉嘉父捷為人肩吾沒後數年始以進士起家淳熙戊申秋社日放翁書

跋吳夢予詩編

山澤之氣為雲降而為雨勾者伸秀者實此雲之見於用者也予嘗見旱歲之雲乎嵯峨突兀起為奇峯足以悅人之目而不見於用此雲之不幸也君子之學蓋將堯舜其君民若乃放逐顛頽娛悲舒憂為風為騷亦文之不幸也吾友吳夢予橐其歌詩數百篇於天下名卿賢大夫之主斯文盟者翕然歎譽之末以示余余愀然曰子之文其工可悲其不幸可吊年益老身益窮後世將曰是窮人之工於歌詩者計吾吳君之情亦豈樂受此名哉余請廣其志曰窮當益堅老當益壯丈夫蓋憤事始定君子之學堯舜其君民余之所望於朋友也娛悲舒憂為風為騷而已豈余之所望於朋友哉溥熙十五年十一月二十六日甫里陸某書

跋松陵集三

康熙十六年四月二十六日 車駕幸 景靈宮予以禮部郎兼膳部檢察賜公卿食訖事作假會陵陽韓籍寄此集來云東都舊文也欣然讀之時寓輒街巷街南小宅之南樓山陰陸某務觀識

此集蔡景繁舊物復嘗歸韓子蒼子蒼之孫藉以遺予蓋百年前本也

景繁元豐中嘗為開封推官此所題開封南司者是也  
景繁二子居厚居易此題居厚者其長也景繁臨川人  
而韓子蒼居臨川故得此書務觀手記

跋王仲言乞米詩

仲言貸米本自欲就魯肅輩人而良齋又戒以勿取陶  
胡奴米仲言治以可謂嚴而良齋告之亦可謂忠矣數  
年來仲言以貧甚客長安中豪子資給殊厚今春忽捨  
去主人扣首乞少留不可豈獨能踐初言亦不負良齋  
期待矣淳熙己酉四月二十七日陸某務觀書

跋金奩集

飛卿南鄉子八闋語意工妙殆可追配劉夢得竹枝信  
一時傑作也淳熙己酉立秋觀于國史院直廬是日風  
雨桐葉滿庭放翁書

跋韓非子

右韓非子一卷紹興丁卯先君年六十時傳吳棫才  
老本後四十有二年淳熙己酉某重装而歲之時年六  
十有五十月九日史院東閣手識

跋却掃編

此書之作敷立猶少年故大抵無紹興以後事淳熙己  
酉十一月十四日書于儀曹直廬



跋彩選

紹興甲戌七月三日子宅過此彩選畢景 丙子二月五日同季思訪務觀雲門山草堂復為此戲子宅記 紹興十九年正月十有七日友人王仲言父自京江來以是書為贈醑醢庵記

官制左右丞不為平章事自侍郎拜者皆躡遷尚書此書蓋失之

子宅季思下世忽已數年予今年六十有七覽此太息然予方從事金丹丹成長生不死直餘事耳後五百年過雲門草堂故趾思昔作彩戲豈非夢耶紹興元年上元日放翁言去子宅題字時三十年矣

跋陝西印章二

紹熙庚戌正月十九日夜閱故書得此追思在山南時已二十年同懷惟元吉閻才元章德茂張季長及余五人尚亡恙爾拊卷累欷放翁題

又十有五年當嘉泰之四年歲在甲子因暴書再觀則元吉才元德茂又皆物故數年矣季長在蜀累歲不得書存亡有不可知者而予年已八十感歎不能已八月十六日務觀書

跋詩書

此予丙戌以前詩二十之一也及在嚴州再編又去十之九然此殘藁終亦惜之乃以付子聿紹熙改元立夏日書

跋祕閣續帖張長史率意帖

此一帖在故簽書樞密王倫家倫出使時得之故都予少日嘗見之紹熙改元五月甲子甫里陸某識時年六十有六距初見時四十有五年矣

跋王深甫先生書簡二

深父先生以治平二年七月二十八日卒而此卷末答其弟容季書是年六月一日相距無兩月矣悲夫紹熙

元年六月望陸某書

此書朝夕觀之使人若居嚴師畏友之間不敢萌一毫不善意

跋郭德誼墓誌二

仲晦先生識郭公墓或恨其太簡然吾夫子銘季札曰於虛有吳延陵季子之墓財十字耳至今傳以為寶彼賣棄求益之論可付一歎紹熙二年正月二十三日陸某謹書

又

顏魯公麻姑壇記東坡先生經藏記皆有大字小字兩

本盖用羊叔子峴山故事千載之後陵谷變遷尚冀其一存爾德誼之名固自不朽然吾元晦為斯人計亦至矣豈希呂兄弟孝愛篤至有以發之耶紹熙二年正月壬申笠澤陸某識

跋郭德誼書

予童子時嘗避兵東陽山中詎今六十年予長德誼三歲計其年可以相從而不及也觀此遺墨為之太息紹熙二年正月二十三日笠澤老漁陸某謹書

渭南文集卷第二十七

渭南文集卷第二十八

山陰 陸 游 務觀 著

跋

跋後山居士長短句

唐末詩益卑而樂府詞高古工妙庶幾漢魏陳無已詩妙天下以其餘作辭宜其工矣顧乃不然殆未易曉也紹熙二年五月二十四日雪中試朱元亨筆因書

跋蘇氏易傳

此本 先君宜和中入蜀時所得也方禁蘇氏學故謂之毗陵先生云紹熙辛亥七月二十日陸某識

吾家舊有此本 先左丞所藏書字簡樸疑其來久矣  
首曰隴西李斥文濟翁編斥字猶成文也久已淪墜忽  
尤延之寄刻本來為之怡然紹熙二年十一月二十九  
日陸某識

跋法帖

此本嘗見之清勁可愛及移之石乃尔失真拙工誤人  
如此乾符元年十一月乃改元此云三月何耶蔡君謨  
用螭字穎字俱非是又何耶紹熙三載三月二十二日  
三山下漚亭書

又

魯公書殊不類紙乃煙熏周副之語尤俚俗羅紹威用  
羅氏世寶印犯唐語益可疑跋語詩句亦鄙甚也君謨  
豈至是哉惟錢希白字奇古可喜然非題帖乃翦它軸  
附卷後耳

跋蘭亭樂毅論并趙岐王帖

某恭聞 太宗皇帝天縱聖學跨軼百王萬幾之餘尤  
留神翰墨文昭武穆世受筆法有若岐簡獻王得葉書  
之妙蓋其為學上稽三代兩漢以象其高古下專以晉  
右將軍王羲之為法以極其變化所藏魯公作文王尊  
彝伯禽祀文王之語紹聖間詔取藏祕閣宣和博古圖

亦列於他周器上又政和中關中發地得竹簡皆東漢  
討羗書檄字作章草好事者爭取而王獨多獲之則王  
之窮深造微豈寒窶書生所及哉至蘭亭脩楔序樂毅  
論又王所愛玩天下名本王之於書名尊一代固無足  
異今周器漢札雖不可復見而脩楔序樂毅論如魯靈  
光巋然獨存意有神物護持非適然也王遺墨藏家廟  
者今雖僅存其嘗獲觀皆竒麗超絕動心駭目往時米  
芾於書少許可必推王以為能學古人語在芾所著書  
畫史王之孫不法以從官長東諸侯懼書家不能盡見  
是竒蹟廼詠良一併刻樂石置會稽郡齋而屬其書其

後惟王歷事累朝典司宗盟嘉言善行不可勝載文章  
尤長於詩有唐人餘風此特論其書而已紹熙四年正  
月辛卯中奉大去從舉建寧府武夷山冲佑觀山陰縣  
開國男食邑三百戶陸某謹書

跋蔡肩吾所作蘧府君墓誌銘

蔡迨肩吾與予同官捷為郡文辭字畫皆過人自蜀入  
吳持予書見友人計昌韓无咎无咎時為吏部侍郎薦  
之甚力且有除命天蜀士有排之者肩吾遂從銓部得  
桂陽令行至吳門恭死舟中每念之未嘗不流涕也不  
識肩吾者讀此亦足知其不凡矣蘧昌老字真容亦佳

士蓋與肩吾為方外交云紹熙癸丑立夏日笠澤陸務  
觀書

跋原隸

故吏部郎宇文卷臣所著卷臣為郎數月坐口語亟去  
晚守臨邛廣漢有能名然亦以謗絀遂卒于家可哀也  
紹熙癸丑四月二十一日老學庵書

跋京本家語

本朝藏書之家獨稱李邕鄂公宋常山公所蓄皆不減  
三萬卷而宋書校讎尤為精詳不幸兩遭回祿之禍而  
方策掃地矣李氏書屬靖康之變金人犯闕散亡皆盡

收書之富獨稱江浙繼而胡騎南驚州縣悉遭焚劫異  
時藏書之家百不存一縱有在者又皆零落不全予舊  
收此書得自京師中遭兵火之餘一日於故篋中偶尋  
得之而亟齧鼠傷殆無全幅綴緝累日僅能成秩乃命  
工裁去四周所損者別以紙裝背之遂成全書嗚呼予  
老懶目昏雖不復讀然嗜書之心固未衰也後世子孫  
知此書得存之如此則其餘諸書幸而存者為予寶惜  
之紹興戊午十月七日雙清堂書

後五十有七年復脫環不可挾子聿亟裝緝之持以相  
示方先少保書此時某年十四今七十矣不覺老淚

之濡睫也紹熙甲寅閏月四日第二男中大夫

泉謀識

跋李祖來集

中野去魯歸周三詩可以追婉退之琴操而世不甚傳使予得見李公當百拜師之不特願為執鞭而已紹熙甲寅六月二日書

跋劉文老使君義居遺戒

祥符中天子封禪講陸典以文太平詔求孝義之門於是天下以名聞者數十家遠不過十世獨吾鄉表承詢自齊梁以來十九世如一日郡國莫先焉吾亡友劉文老歿當上一子世其祿而長子復詞以予其季蓋文老所未嘗命者於未嘗命者如此况其所命者乎將見世世守遺訓不墜十九世豈足道哉紹熙甲寅中秋日陸某識

跋無逸講義

按寶錄元祐五年二月壬寅邇英閣講畢無逸一篇詔祥錄所講以進今後具講義次日別進壬寅是月八七日也與此卷首所云面奏乞候講畢錄進乃不同恐當以此為正紹熙五年八月十日陸某謹識

跋東坡帖

此碑蓋所謂橫石小字者耶頃又嘗見豎石本字亦不

絕大數簡行筆尤奇妙可貴與成都西樓十卷中所書  
郭熙山水詩頗相甲乙也紹熙甲寅十月二十三日務  
觀題

跋東坡祭陳令舉文

東坡前後集祭文凡四十首惟祭賢良陳公舜指最哀  
讀之使人感歎流涕其言天人予奪之際雖若出憤激  
然士抱奇材絕識沉壓擯廢不得少出一二則其肝心  
凝為金石精氣去為神明亦烏足怪彼憤憤者固不知  
也紹熙甲寅十二月二十九日笠澤陸某謹書

跋劉凝之陳令舉騎牛圖

公卿貴人方黃金絡馬傳呼火城中時欲如二公騎牛  
山谷蕭散遺物固不可得若予者仕既齟齬及斥歸欲  
買一黃犢代步其費二萬有畸作欄畜童又在此外遂  
一笑而止徒有此生猶著幾兩屐之歎乃知二公風流  
亦未易追也紹熙甲寅十二月二十九日陸某識

跋東坡七夕詞後

昔人作七夕詩率不免有珠擁綺䟽惜別之意惟東坡  
此篇居然是星漢上語歌之曲終覺天風海雨逼人學  
詩者當以是求之慶元元年元日笠澤陸某書

跋張監丞雲莊詩集



虜覆神州七十年東南士大夫視長淮以北猶傖荒也  
以使事往者不復黍離麥秀之悲殆無以慰蒼父老心  
今讀張公為奉使官屬時所賦歌詩數十篇忠義之氣  
鬱然為之悲慨彌日慶元改元九月二十七日陸某書

跋淵明集

吾年十三四時侍先少傅居城南小隱偶見藤牀上  
有淵明詩因取讀之欣然會心日且暮家人呼食讀詩  
方樂至夜卒不就食今思之如數日前事也慶元二年  
歲在乙卯九月二十九日山陰陸某務觀書于三山龜  
堂時年七十有一

跋陸史君廟籤

昔者龐德公未曾入州府襄陽耆舊聞處士節獨苦豈  
無濟時策終竟畏罹罟林茂鳥有歸水深魚知聚舉家  
隱鹿門劉表焉得取

射洪陸史君廟以杜詩為籤極靈余自蜀被

召東歸將行求得此籤後十四年乃決意不復仕  
官媿吾宗人多矣紹熙辛亥十二月十日山陰陸  
務觀書

跋巴東集

予自乾道庚寅入蜀自淳熙戊戌東歸九年間兩過巴

東登秋風白雲二亭觀萊公手植檜未嘗不悵然流涕  
恨古人之不可作也又十有七年慶元丙辰六月二十  
四日山陰陸某書時年七十二

跋呂侍講歲時雜記

承平無事之日故都節物及中州風俗人人知之若不  
必記自喪亂來七十年遺老凋落無在者然後知此書  
之不可闕呂公論著實崇寧大觀間豈前輩達識固已  
知有後日耶然年運而往士大夫安於江左求新亭對  
泣者正未易得撫卷累欷慶元三年二月乙卯笠澤陸  
某書

跋許用晦丁卯集

許用晦居於丹陽之丁卯橋故其詩名丁卯集在大中  
以後亦可為傑作自是而後唐之詩益衰矣悲夫慶元  
丁巳六月四日放翁識

跋李涪刊誤

王行瑜作亂宗正卿李涪盛陳其忠必悔過及行瑜傳  
首京師涪亦放死嶺南疑即此人也丁巳七月十六日  
識

跋歸去來白蓮社圖

予在蜀得此二卷蓋名筆規模龍眠而有自得處季子

子聿手自裝褫藏之慶元丁巳中秋前三日放翁識

跋釋氏通紀

予少時避兵東陽山中有沈師者丞相恭惠公之裔近有僧來徃天衣山自言歐陽文忠公家今又得脩公所著釋氏通紀觀之則建炎樞臣盧公諸孫也近世不以世類求人名門大家散而為方外道人者多矣如脩公既棄衣冠猶能博學強記寓史氏法於是書亦賢矣夫慶元丁巳重九日放翁陸某務觀識

跋毛仲益所藏蘭亭

龍乘雲氣而上天鳳凰翔于千仞吾見舊定本蘭亭其

猶龍鳳耶慶元丁巳十一月二十日笠澤陸某務觀書

跋魏先生草堂集

按國史野陝人沈存中筆談以為蜀人居陝州不知何所據也予在蜀十年亦不聞野為蜀人筆談蓋誤也慶元戊午得之書肆十月十九日龜堂病交手識時年七十有四矣

跋王輔嗣老子

晁以道謂王輔嗣老子題曰道德經不析乎道德而上下之猶近於古此本乃已析矣安知其他無妄加竄定者乎慶元戊午十月晦書

跋前漢通用古字韻編

古人讀書多故作文時偶用一二古字初不以為工亦自不知孰為古孰為今也近時乃或鈔綴史漢中字入文辭中自謂工妙不知有笑之者偶見此書為之太息書以為後生戒已未三月二十四日龜堂識

跋胡少汲小集

少汲之兄名僧孺字唐臣在元祐紹聖間亦知名士也少汲十詩中一篇所謂阿兄驚世才者是也周秀實名蔚予亡姑之子及與元祐前輩游紹興十六七年猶亡恙有文集數十卷王性之作序少汲倡酬最多班班見於此集秀實有子名曇文者乃翁每稱其穎異自先少師捐館兩家相去地遠不復相聞每為之惻愴于懷也因讀少汲小集併書之慶元己未七月一日老學菴書

跋曉師顯應錄

法華之為書天不足以喻其大海不足以喻其深利根之士一經目一歷耳不能捨雖舉天下沮之彼且不動尚何勸相之有執然人之根性利鈍蓋有如天淵者善知識諄諄告語誘之以福報懼之以禍罰亦有不得已者譬言之世法道德風化固足坐致唐虞三代之治矣而

賞以進善罰以懲惡亦烏可廢哉觀曉師顯應錄者當作是觀

跋范巨山家訓

人莫不愛其子孫愛而不知教之猶弗愛也人莫不思其父祖思而不知奉其教猶弗思也使為人父祖者皆如范氏之先為人子孫者皆如吾友巨山世其有不興者乎吾所謂興者天地鬼神與之鄉人慕之學者尊之是爲興不然雖門列戟床堆笏德弗稱焉何興之有巨山之子旣以文章擢高科公卿將相之儲也故予思廣其意而書其家訓後如此巨山父子不以予爲老悖則則將有感也夫巨山名中立其子名薰慶元己未八月晦山陰陸某謹書

跋張安國家問

東坡先生書遍天下而黃門公所藏至寡蓋當以爲易得雖為人持去不甚惜也紫微張舍人書帖爲時所貴重錦囊玉軸無家無之今大宗伯兄弟自爲知己家書往來蓋以百計矣相稱相勉期以遠者亦何可以勝討而今所存財五緡耳方紫微亡恙時豈亦以爲易得故散逸耶某昔者及爲紫微客今老病卧家而大宗伯猶以世舊寄此卷命寓姓名于後某自浮玉別紫微三十

六年之間推頽抵此紫微若尚在而見之且不能識則  
大宗伯尚何取哉援筆至此慨然不知衰第之集也慶  
元五年十一月戊申笠澤陸某書

跋坐忘論

此一篇劉虛谷刻石在廬山以予觀之司馬子微所著  
八篇今昔賢達之所共傳後學豈容置疑於其間此一  
篇雖曰簡略祥其義味安得與八篇為比兼既謂出於  
子微乃復指八篇為道士趙堅所著則堅乃子微以前  
人所著書淵奧如此道書仙傳豈無姓名此尤可驗其  
妄予故書其後以祛觀者之感己未十一月二十一日

放翁書

跋唐盧肇集

子發嘗謫春州而集中誤作青州蓋字之誤也題青遠  
峽觀音院詩作青州遠峽則又因州名而妄竄定也前  
輩謂印本之害一誤之後遂無別本可證真知言哉病  
馬詩云塵土卧多毛已暗風霜受盡眼猶明足為當時  
佳句此本乃以已為色猶為光壞盡一篇語意未必非  
妄校者之罪也可勝歎哉慶元庚申二月三日放翁燈  
下書

跋居家雜儀

王性之言熙寧初有朝士集於相藍之燒院俄有一人  
末至問之則王元澤也時荆公方有名命衆人問舍人  
不堅辭否澤言大人亦不敢不來然未有一居處衆言  
居處固不難得元澤曰不然大人之意乃欲與司馬十  
二丈卜隣以其脩身齊家事事可爲子弟法也某聞此  
語六十年矣偶讀居家雜儀遂識之慶元庚申五月四  
日書

跋皇甫先生文集

右一詩在浯溪中興頌傍石間持正集中無詩詩見世  
者此一篇耳然自是傑作近時有容齋隨筆亦載此詩  
乃云風格殊無可采人之所見恐不應如此或是傳寫  
誤尔慶元六年五月十七日龜堂書

跋南堂語

予入蜀時南堂入城已久獨有一二弟子在然皆破齋  
犯律諸禪皆詆訾之予亦以衆毀意薄其爲人及其死  
也乃卓然頽脫人亦不得而議是誠未易測也庚申五  
月壬戌書于龜堂

跋注心賦

世之未通佛說者觀此亦得其梗槩矣慶元庚申七月  
庚申龜堂老人書

跋朱新舍人自作墓誌

秦丞相擅國十九年而朱公竄嶠南者十有四年僅免  
僵仆於炎瘴中耳以此胸中浩然無愧將終目識其墓  
辭氣山立向使公諂附以苟富貴至莫年世爭一變方  
憂愧內積嗟恐聞人道其平日事其能慨然曾筆自叙  
如乎慶元六年秋社日笠澤陸某謹書

跋黃魯直書

老子曰豫兮若冬涉川猶兮若畏四隣山谷此卷蓋有  
得於此慶元庚申重九日笠澤陸某書

渭南文集卷第二十八

渭南文集卷第二十九

山陰陸游務觀著

跋

跋蘭亭序

觀蘭亭當如禪宗勘辨入門便了若待汨示開口堪作什  
麼識者一開卷已見精粗或者推求點畫豈參以耳鑑瞞  
俗人則可但恐王內史不可爾余平生目見佳本亦多然  
如武子所藏不過三四真可寶也慶元庚申重九日笠  
澤陸某書

跋李少卿帖



宣城李氏自推官至今八九世詩人不絕蓋時有如少卿者振起之也慶元庚申九月二十日笠澤陸某書

跋樂毅論

樂毅論縱橫馳騁不似小字瘞鶴銘法度森嚴不似大字此後世作者所以不可仰望也庚申重九陸某書

跋李朝議帖

胡唐臣僧孺少汲直孺兄弟為江西名士其朋友亦皆知名朝議公蓋其一也慶元庚申重九日陸某書

跋東方朔畫贊

元豐間有德州士人携畫贊示東坡自言二百年前本

家藏數世矣東坡為題之曰畫贊世多本惟德州者第一君所藏又為德州第一或曉之曰此言君是德州人耳其人雖不伏亦大笑止因觀武子所藏聊識卷末慶元六年九月甲子陸某務觀書

跋李虞部與范忠宣公啓

某家藏先大父遺書其櫝背多當時士大夫牋啓刺字不過曰尚書左丞或曰左丞中而已數十百人無一人異者此建中靖國之元也上距元祐又十餘年風俗淳厚可知况丞相忠宣公與虞部李公之相與親厚者乎宜其不為諂也諸公或以今日耳目求之過矣夫慶

元庚申九月二十一日陸某書

跋范文正公書

觀文正范公書札如欲與韓魏公同薦李泰伯見其進賢之誠戒余安道石守道避禍見其愛惜人材之意於庠賢哉然泰伯卒棄不用安道守道陷患難或至死不解志士仁人至今以為歎信乎明哲保身之難也慶元庚申九月二十九日笠澤病叅陸某書

跋東坡帖

成都西樓下有汪聖錫所刻東坡帖三十卷其間與呂給事陶一帖大畧與此帖同是時時事已可知矣公不

一身禍福易其憂國之心千載之下生氣凜然忠臣烈士所當取法也予謂武子當求善士堅石刻之與西樓之帖並傳天下不當獨私囊褚使見者有恨也

跋盧袁父絕句

家懷耿耿自難寬老傍京塵更鮮歡遠夢已回窻不曉杏花同度五更寒

盧袁父絕句袁父名蹈青社人今寓捷為郡夾江縣佳士也

跋四三叔父文集

先楚公捐館時叔父未成童已從貢黃先生安時學喪

禮覆講無小差蓋天資精敏如此謹附書於遺文之後  
以示後人

跋王右丞集

余年十七八時讀摩詰詩最熟後遂置之者幾六十年  
今年七十七未晝無事再取讀之如見舊師友恨  
間闕之久也嘉泰辛酉五月六日龜堂南窓書

跋歐陽文忠公疏草

慶曆之盛益庶幾漢文景矣而賢人君子猶如是之難  
文忠公之奏議非獨不明諸公之讒也身亦墮排陷中  
徐州之謫是已於虜悲夫嘉泰二年人日陸某書

跋盤澗圖

紹興己卯庚辰之間予為福建決曹延平張仲欽為閩  
縣大夫朝暮相從後四年予佐京口仲欽佐金陵數以  
檄來往於鍾阜浮玉間把酒道舊甚樂又二十年予使  
閩中仲欽間居延平數相聞方約相過而予蒙一恩召  
還遂有死生之異言之悵然仲欽之子為西和守寄此  
軸來求詩蓋又二十餘年予年七十有七矣嘉泰改元  
歲辛酉五月十九日陸某書時予納祿已三年居會稽  
山陰之三山

跋為琛師書維摩經

鄉生探上座求予書維摩詰所說法欲刻石施四眾以薦其母會予病不能即如其請探十返不厭孝哉此僧吾徒所樂從也乃力疾為書嘉泰壬戌正月二十一日放翁書

跋東坡諫疏草

天下自有公論非愛憎異同能奪也如東坡之論時事豈獨天下復其忠高其辯使荆公見之其有不撫几太息者乎東坡自黃州歸見荆公於半山劇談累日不厭至約卜鄰以老焉公論之不可捨如此而紹聖諸人乃遂其伎心投之嶺海必死之地何哉此疏藏氏三世八十年矣真可寶哉嘉泰壬戌二月七日陸某謹書

跋東坡代張文定上疏草

張安道實一時偉人以其論新法諫用兵則不得不為忠以其力排吳育深惡石介歐陽文忠公司馬文正公斥之於前呂正獻公抑之於後則又似有可議者然東坡此疏則自與日月爭光安道之為人不與焉元祐初盡起舊老安道獨置不問近臣請加恩禮亦不報更奪其宣徽使議者以為多出正獻公之意云嘉泰壬戌二月七日笠澤陸某謹書

跋楊處士村居感興

一壺村酒膠去牙酸十數胡皴徹骨乾隨着四婆孀子  
後杖頭挑去賽蠶官

右畢仲荀景儒所記楊處士詩也四婆即處士  
之配也蘇嶠季真家有處士夫妻像野逸如生  
恨不曾傳摹得之它日見蘇氏子孫尚可畢此  
志也嘉泰癸亥放翁書于三山老學菴北窓

### 跋朱氏易傳

易道廣大非一人所能盡堅守一家之說未為得也元  
晦尊程氏至矣然其為說亦已大異讀者當自知之嘉  
泰壬戌四月十二日老學菴識

### 跋晁氏以道書傳

晁以道著書專意排先儒故其言多而不通然亦博矣  
凡予家所錄本多得於以道孫子闔子闔本自多誤予  
方吏役所錄失誤又多不暇校及謝事居山陰欲得別  
本參攷又不能致可恨也壬戌四月十八日老學菴記  
時年七十八

### 跋嵩山景迂集

景迂廊時排悶詩云莫言無妙麗土雅動金門蓋廊人  
善作土偶兒精巧雖都下莫能及宮禁及貴戚家爭以  
高價取之喪亂隔絕南人不復知此句遂亦難解可歎

嘉泰壬戌四月二十四日放翁識

跋任德翁乘桴集

德翁感遇篇云言行身不用無迺我所欲長沙地卑濕正可高閣足其議賈生可謂善矣所抱如此排擯至死天下之不幸也壬戌五月一日老學菴書

跋洪慶善帖

某兒童時以先少師之命獲給掃洒丹陽先生之門退與子威講學則兄弟如也每見子威言洪成季慶善學行然皆不及識今獲觀慶善遺墨亦足少慰衰病廢學負師友之訓如媿何嘉泰二年五月丁卯陸某謹題

跋蒲郎中易老解

易學自漢以後寢微自晉以後與老子並行其說愈高愈非易之舊宋興有酸棗先生以易名家同時种豹林亦開門傳授傳至邵康節遂大行於時然康節欲以授伊川程先生乃拒弗受而伊川每稱故安定王荆公易傳以為今學所宜讀惟此二家王公乃自毀其說以為不足傳著論悔之易之難知如此夜讀蜀蒲公易傳老子解喟然歎曰公於易與老子蓋各自立說迹若與晉諸人同而實異也書以遺其族孫申仲試以予言請問信何如也嘉泰二年九月丁卯笠澤陸某書

跋陸子彊家書

吾友伯政持其先君子家問來讀之累日不厭使學者皆能如此孰得而訾病之雖有些訾者吾可以無愧矣乃令子聿鈔一通置篋中時覽觀焉嘉泰壬戌十月二十三日宗人某書

跋子聿所藏國史補

子聿喜蓄書至輟衣食不少吝也吾世其有興者乎嘉泰壬戌閏月幾望放翁記時年七十有八以同修國史兼祕書監居六官宅第六位

跋火池碑

予昔在征西幙府嘗得小校言火山軍池枯燥不可耕鉏犁及地不及尺烈火隨出今江吳間穿地尺餘則見水北人聞之亦未必信也夜讀蜀彭君火井碑乃知天地間何所不有亦喜彭君之善記事也嘉泰壬戌閏月十有五日山陰陸某書

跋韓晉公牛

予觀鏡湖北渚每見村童牧牛於風林煙草之間便覺身在圖畫自奉詔納史逾年不復見此寢飯皆無味今行且奏書矣奏後三日不力求去求不聽輒止者有如日嘉泰癸亥四月一日陸某書

跋畫橙

嘉泰癸亥四月十六日 兩朝實錄將進書予以史官  
兼祕書監宿衛於道山堂之東直舍茶罷取此軸摩挲  
久之覺香透指爪此物著霜時予歸鏡湖小園久矣山  
陰陸某務觀書

跋臨帖

此畫用筆靄多態度如雙鈎鍾玉遺書可寶藏也笠  
澤陸務觀跋時年七十九當嘉泰癸亥四月二十八日  
居干六官宅老學行菴

跋宋老畫

畫自是妙迹其為元章無疑者但字却是元暉所作觀  
者乃并畫疑之可歎也嘉泰癸亥四月二十日陸某書

跋潘函老帖

潘函老詩妙絕世恨不見其字今見此卷無復遺恨矣  
癸亥五月一日笠澤陸某書

跋薌林帖

先少師使淮南實與薌林向公為代薌林作雍熙堂於  
廨中堂之前有井泉甘寒宜茶洪駒父聞之寄詩云何  
如喚取陸鴻漸石鼎風爐來試茶詩與除代堂帖同日  
到薌林犬以為異手書報 先少師今尚在也伏觀公



移文奏牘橐大節貫金石然諸公所書已可傳世贅書之亦屋下架屋耳而其家世所傳足補鄉林逸事者則不可不書以遺後人嘉泰三年五月十日陸某謹書

跋陳魯公所草 親征詔

紹興辛巳壬午之間某由書局西府掾親見丞相魯公經綸庶務鎮服中外有人所不可及者然猶不知此詔為出於公也後四十有三年某行年且八十偶幸未先犬馬獲見公手橐於庫公之謙厚不伐與露才揚已者相去何啻千萬哉追懷盛德大度如巨山喬嶽凜然猶在目前為之霄涕嘉泰三年五月十二日門人前史官

陸游謹書

跋蔡忠懷送將歸賦

予讀送將歸之賦為之流涕不為蔡氏也 宋興百餘年累聖致治之美庶幾三代熙寧元祐所在大臣蓋有孟楊之學稷卨之忠而朋黨反因之以起至不可復解一家之旣福曲直不足言也為之子孫者能力學進德不為偏諛則承家報國皆在其中矣嘉泰三年五月十五日山陰陸某書于浙江亭

跋東坡書髓

成都西樓下石刻東坡法帖十卷擇其尤奇逸者為一

編號東坡書髓三十年間未嘗釋手去歲都下脫敗甚  
乃再裝緝之嘉泰三年歲在癸亥九月三日務觀老學  
庵北牕手記

跋范元卿舍人書陳公實長短句後

紹興庚申辛酉間予言十六七與公實遊時予從兄伯  
山仲高葉晦叔范元卿皆同場屋六人者蓋莫逆也公  
實謂予小陸兄後六十餘年五人皆已隔存歿予言七  
十九而公實郎君詹字伯廣者出此軸恍然如與公實  
元卿聯校屨均茵憑也為之太息彌日因識其末雖然  
使死而有知吾六人者安知不復相從如紹興間乎會

當相與挈手一笑尚何歎嘉泰癸亥十月二十九日笠  
澤釣交陸某書

跋謝師厚書

謝師厚早歲與歐陽充公王荆公梅直講江記注諸人  
遊名甚盛晚更蹭蹬居穰下二十餘年學愈進文章愈  
成獨後諸公死子惛悰甥黃魯直皆知名天下然年運  
而往士大夫鮮能知師厚者今觀吾友傅漢孺所藏其  
上世墓刻實師厚遺文至送行詩雜之宛陵詩中殆不  
可辨字則宋宣獻父子之流亞也為之太息嘉泰癸亥  
立春後四日笠澤陸某書

跋雲丘詩集後

宋興詩僧不愧唐人然皆因諸巨公以名天下林和靖之於天台長吉宋文安之於凌雲惟則歐陽文忠公之於孤山惠勤石曼卿之於東都祕演蘇翰林之於西湖道潛徐師川之於廬山祖可蓋不可殫紀潛可得名最重然世亦以蘇徐公兩公許之太過為病餘則徒得所附託故聞後世非能巋然自傳也予觀雲丘詩平淡閑暇庶幾可以自傳者政使不遇呂居仁蘇養直朱希真王性之范至能亦決不泯沒如予者烏足為斯人重哉其徒覺淨以遺稟來求題其後十款吾門不厭故為之

書嘉泰四年二月乙巳笠澤陸某書

跋呂舍人九經堂詩

前輩以文章名世者名愈高則求者愈衆故其間亦有徇人情而作者有識之士多以為恨如呂公九經堂詩蓋自少時與昭德尊老諸公師友淵源講習漸漬所得又為其子孫而發故雄筆大論如此於虜凜乎其可敬畏也哉嘉泰四年六月庚子陸某書

跋韓忠獻帖

方曩霄犯邊時忠獻王首當禦戎重任功冠諸公後入輔帷幄陳謨畫策駕馭人材鎮服虜情自曾集賢以降

皆協贊而已觀此帖可槩見也嘉泰四祀六月辛丑故  
史官山陰陸某謹識

跋高大鄉家書

子長大鄉娶予表從母之女故自少時相從後又同入  
征西大募情分至厚讀此數書如見其長身蒼髯意象  
軒舉也嘉泰甲子歲夏六月壬寅放翁陸某書

渭南文集卷第二十九

渭南文集卷第三十

山陰陸游務觀著

跋

跋諸晁書帖

某之外大父清豐君實巨茨先生女兄而墓刻則景迂  
先生所作故某每見昭德及果眷中表每感愴也况今  
行年八十飾巾待盡伏讀此卷其情可知嘉泰甲子六  
月既望山陰陸某謹識

跋南城吳氏社倉書樓詩文後

南城吳君子直兄弟作社倉畧倣古者斂散之法築書

樓用為子孫講習之地其設意深遠流俗殊未易測也  
或者乃謂吳氏損貲以為社倉凶歲免民於死徙其有  
德甚大後世當有興者子孫不學則不足以承之此其  
築書樓之意使吳氏之意信出此乃市道也市道不可  
以交鄉黨自好之士其可以興天交乎吳君之意蓋曰  
吾為是舉非一世也吾兄弟他日要當付之後人人不  
可知吝則畜出貪則漁利息荒則廢事雖百命之或不  
聽於遺言何有惟學則免是二者之患而社倉雖百世  
可也此吾兄弟之本指若夫富貴貧賤我且不能自知  
乃為後人謀而責報於荒忽不可致詰之地亦愚矣吳

君遣書行千餘里示予以社倉本末因及諸公書樓紀  
述予慨然歎以為知吳君兄弟心者莫予若也故書之  
嘉泰四年六月某日山陰陸某書

跋六一居士集古錄跋尾

始予得此本刻畫精緻如見真筆會有使入蜀以寄張  
季長及再得之纔相距數年訛闕已多知古人欲傳遠  
者必託之金石有以也夫嘉泰甲子六月二十二日笠  
澤陸某謹識

跋林和靖詩集

和靖人物文章初不賴東坡公以為重况黃秦哉若李

端叔者尤不足錄讀竟使人浩歎書之所以慰和靖於  
泉下也嘉泰甲子六月二十四日放翁書

跋米元暉書先左丞海岱樓詩

右米侍郎元暉書先大父題海岱樓詩一首春秋公羊  
傳曰山川有能潤于百里者天子秩而祭之觸石而出  
膚寸而合不崇朝而徧雨乎天下者惟泰山爾故大父  
云起為霖雨從膚寸蓋言徧雨天下之澤自膚寸而始  
也米所書誤以從為成遂失本意可為太息嘉泰四年  
秋八月壬寅山陰陸某書于三山老學菴

跋蘇丞相手澤

某之先大父左丞平生所尊事願學者惟丞相魏公每  
為門生言國朝輔相德量巋然莫如魏公與王文貞  
公旦所謂築太平之基壽宗社之脉養天下之氣者他  
相雖賢豈敢望觀此奏藁可槩見也嘉泰四年秋八月  
丙辰山陰陸某謹識

跋韓幹馬

大駕南幸將八十年秦兵洮馬不復可見志士所共歎  
也觀此畫使人作閔輔河渭之夢殆欲實涕矣嘉泰甲  
子十月二十一日山陰陸某書

跋義松

黃子邁之為蓮城以最聞予以相距遠不能知其詳然  
草木無知造物無心太平無象其所感猶如此則是邑  
之民其有以不友不敬至庭造獄者乎予將來諸邑人  
而紀之未暇也嘉泰甲子歲十一月甲子山陰陸某書

跋林和靖帖

祥符天禧間士之風節文學名天下者陝郊魏仲先錢  
塘林君復二人又皆工於詩方是時天子修封禪告太  
平有二人 在天下麟鳳芝草不足言矣君復書法又自  
高勝絕人予每見之方病不藥而愈不食而飽忽得觀  
上竺廣慧法師所藏二帖不覺起敬立法師能捐一石

刻之山中使吾輩皆得墨本以刮目散懷亦一奇事也

嘉泰甲子歲十二月丁卯山陰陸某務觀書

跋東坡集

此本藏之三十年矣嘉泰甲子歲十二月遺燼幾焚之  
予緝成編此舊本差狹小乃可愛遂目之曰焦尾本云  
十四日山陰陸某書

跋陶靖節文集

張續季長學士自遂寧寄此集來道中失調護前後皆  
有壞處遂去之而存其偶全者末有年譜辨正別緝為  
編云開禧元年五月四日務觀書

跋三近齋餘錄

右外兄元城王正夫所作正夫名從元豐中書舍人震字子發之子仕至上饒守云開禧改元正月庚申務觀書

跋望江麴君集

徐常侍鼎臣送望江張明府詩云無使千年後空傳麴令名則麴令之名在唐著矣開禧改元歲乙丑二月二十七日山陰陸務觀書時年八十有一

跋吳越備史

錢氏諱佐故以左為上九官名左字者悉改為上此書

所謂上右者乃左右也

又

吳越在五代及宋興最為安樂少事然廢立誅殺猶如此方斯時吾家先世守農桑之業於魯墟梅市之間無一人仕於其國者真保家之法也開禧乙丑九月四日山陰陸某書于三山書巢

跋僧帖

方外之士發揚其先德累世不懈吾輩亦可少愧矣開禧乙丑九月五日陸某書贈觀師余年八十一識其家四世矣安得不為陳人乎因以寓歎



跋御師帖

本朝小楷至宋宣獻後僅有道士陳碧虛一人今見吾里中前輩御師所書則蕭散小不逮碧虛而法度森嚴無媿者亦名筆也後人善藏之開禧元年乙丑歲九月丁亥山陰陸某題時年八十有一

跋松陵倡和集

皮襲美當唐末遜於吳越死焉有子光業為吳越相子孫業文不墜家聲至襲美四世孫公弼以進士起家仕慶曆嘉祐間為韓魏公所知雖不甚貴顯亦當世名士也方吳越時中原隔絕乃有妄人造謗以謂襲美墮節於巢賊為其翰林學士新唐書喜取小說亦載之豈有是哉比唐書成時公弼已死莫與辨者可歎也開禧元年九月十四日山陰陸某書于松陵倡和集之後

跋潛虛

學者必通易乃能以其緒餘通玄玄既通矣又以其餘及虛非可以一旦驟得也劉君談虛如此則其於易與玄可知矣司馬丞相乃謂已學不足知易故致易於玄蓋謙云耳開禧乙丑十一月十八日陸某書

跋呂成采和東坡尖叉韻雪詩

右詩右倡右和有雜擬追和之類而無和韻者唐始有

之而不盡同有用韻者謂同用此韻耳後乃有依韻者  
謂如首倡之韻然不以次也最後始有次韻則一皆如  
其韻之次日元白至皮陸此體乃成天下靡然從之今  
蘇文忠集中有雪詩用尖又二韻王文公集中又有次  
朱乃頓和百篇字字工妙無牽強湊泊之病成朱詩成  
後四十餘年其子拭乃以示予予固好詩者然讀書有  
恨用力尠薄觀此集有愧而已乃言集後而歸其本呂  
氏開禧元年乙丑十一月丙申笠澤陸某務觀書

跋花間集二

花間集皆唐末五代時人作方斯時天下岌岌生民救  
死不暇士大夫乃流宕如此可歎也哉或者亦出於無  
聊故耶笠澤翁書

又

唐自大中後詩家日趨淺薄其間傑出者亦不復有前  
輩閑妙渾厚之作久而自厭然格於俗尚不能拔出會  
有倚聲作詞者本欲酒間易曉頗擺落故態適與六朝  
跌宕意氣差近此集所載是也故歷唐季五代詩愈卑  
而倚聲者輒簡古可愛蓋天寶以後詩人常恨文不迨  
大中以後詩衰而倚聲作使諸人以其所長格力施於

所短則後世孰得而議筆墨馳騁則一能此不能彼未  
易以理推也開禧元年十二月乙卯務觀東籬書

跋韓晉公子母犢

予平生見三尤物王公明家韓幹散馬吳子富家薛稷  
小鶴及此子母牛是也不知之死間尚復眼中有此奇  
偉否開禧二年四月甲子陸務觀北窓書

跋韓立道所藏蘭亭序

觀此本蘭亭如見大勳業鉅公於未央庭中大冠若箕  
長劍拄頤風采凜凜雖單于不覺自失况餘子有不汗  
洽股栗者哉開禧丙辰歲四月十有三日陸某年八十二

跋龔氏花帖子

右龔氏家藏其先世金花帖子嘉泰中陳翰林考質史  
謀以為先書姓名散報始於端拱中宋太素尚書知貢  
舉時自建隆至端拱取士已久始克舉此故事然予按  
宋公有追念策名時詩九千言畧云吉音來碧落帖子  
報紅牋清夜驚神土隴明到省前風中宮漏盡日出榜  
帖之事唐制初未嘗廢若曰五代草創止用紅牋至端  
拱初乃加金華如唐時則亦細事耳不得云始舉唐故  
事也世必有知者予復書此於後以待博洽君子云開

禧丙寅夏四月丙寅山陰陸某書

跋曾文清公奏議稿

紹興未賊亮入塞時茶山先生居會稽禹跡精舍某自  
勅局罷歸畧無三日不進見見必聞憂國之言先生時  
年過七十聚族百口未嘗以為憂國而已後四十七  
年先生曾孫黷以當日跡示某於今某年過八十仕  
忝近列又方王師討殘虜乃不能以塵露求補山海  
真先生之罪人也開禧二年歲在丙寅五月乙巳門生  
山陰陸游謹書

跋曾文清公詩稿

河南文清公早以學術文章擅大名為一世龍門領袖  
嘗輕許可某獨辱知無與比者士之相知古蓋如此亦  
西漢時專門名家之師無至千餘人然能自見於後世  
者寡矣揚子惟一侯芭至今誦之故識者謂千人不為  
多一人不為少某何足與乎此讀公遺稿不知裊涕之  
集也開禧丙寅歲五月乙巳門生陸游謹識

跋魚計賦

某恭聞 徽祖宣和末將下罪已詔學士王孝迪當直  
不召願謂輔臣曰非小字不能作遂召肅愍公公初不  
在北門既至辭以非職守不許遂以聖意下筆

不數刻進御今載在國史與三代訓誥並驅蓋千百年  
間詔令所未有也晚讀魚計堂賦瞻麗超軼如此則施  
之大手筆固宜絕人遠甚某嘗見公遺像於友人趙恬  
家英氣如生恨不得獨拜牀下致欣慕之意今得記所  
聞於賦後亦幸矣開禧二年六月己巳笠澤陸某謹書

跋徐待制詩橐

予以乾道庚寅入蜀幾十年而歸故人在朝者惟許昌  
韓無咎握手道舊因相與論當世知名士無咎獨稱待  
制徐公以為文辭辨論有貞元、和間諸賢之遺風恨  
予不及識因誦其詩句信奇作也後三十年徐公之子

植以遺一編示予屬以序引予與待制雖出處不同然  
嘗歎愛其筆墨則亦願託名卷首而待制之文阨於火  
所餘財百之二則序亦無自作乃姑書此附於後它日  
得全書細繹其妙處而論載之尚未晚也開禧二年六  
月某日山陰陸某書

跋周益公詩卷

紹興辛巳予與益公相從於錢塘去題此詩時十一年  
予年三十七益公少予一歲後二年相繼去國自是  
用捨分矣今益公捨我去所不知者相距幾何時耳開  
禧丙寅九月二十五日山陰陸某謹識

跋樊川集

唐人詩文近多刻本亦多經校讎惟牧之集誤繆特甚予每欲求訂正而未暇也書以示子適尚成吾意開禧丙寅十一月二十七日放翁書

跋周侍郎奏稿

某生於宣和末未能言而先少師以畿右轉輸饑軍留澤潞家寓滎陽及先君坐御史徐秉哲論罷南來壽春復自淮徂江間闕兵間歸山陰舊廬則某少長矣一時賢公鄉與先君遊者每言及高廟盜環之寇乾陵斧栢之憂未嘗不相與流涕哀痛雖設食率不下咽引去先

君歸亦不復食也伏讀侍郎周公論事膀子猶想見當時忠臣烈士憂憤感激之餘風於虜建炎紹興間國勢危感如此而內平群盜外捍強虜卒能披草莽立社稷者諸賢之力為多某故具載之以勵士大夫儻人人知所勉則北平燕趙西復關輔實度內事也開禧丁卯歲正月丁亥故史官陸某謹書

跋周侍郎尋姊妹帖

方建炎多故群盜如林士大夫家罹禍有盡室不知在亡者觀周公所書可為流涕六七十年來在仕在野皆安其生養老者字幼者藏死者可不知所自耶尚勉思

所以報開禧三年正月丁亥山陰陸某書

跋鮑參軍文集

鮑明遠宋元嘉中人比陶淵明謝靈運差為晚出然與靈運詩名相埒體製亦頗相類故世稱鮑謝云開禧三年正月九日放翁書

跋南華真經

南華真經并音二冊籤題皆友人莆陽方伯謨書伯謨下世已二年矣哀哉開禧丁卯二月四日老學菴識

跋與周監丞書

某頃得監丞公書作報如此後二十餘年公家持以來

屬以題數字於後乃為記歲月公諸子多賢不幸有早世者今惟主簿君以力學承其緒他日仕途有蘄然頭角者必吾主簿君恨耄期已迫不及見之耳開禧三年三月丙子渭南伯陸某書

再跋皇甫先生文集後

司空表聖論詩有曰愚嘗覽韓吏部詩其驅駕氣勢掀雷決電撐挾於天地之垠物狀其變不得鼓舞而徇其呼吸也其次皇甫祠部文集外所作亦為道逸非無意於深密蓋或未遑爾據此則持正自有詩集旅行故文集中無詩非不作也正如張文昌集無一篇文李習之

集無一篇詩皆是詩文各有集耳表聖直以持正詩配退之可謂知之然猶云未遑深密非篤論也予讀之蓋累歎云開禧丁卯四月二十一日某再書

跋漢文帝後元年三月詔

漢文此詔與詩之七月書之無逸何異吾以此知文景太平之有自也雖然豈獨為天下哉十室之邑十金之產儻能思是言其有至於喪敗者乎庚申五月十七日陸某書

跋張魏公與劉察院帖

與人同功人用而已捨君子不敢言勞與人同罪人免而已窮君子不敢逃責非能異夫人也理固如是也不然則亡恥已使御史公無恙得予此說其將以為能知言乎

跋世父大夫詩橐

世父大夫公自幼得未疾以左手作字性喜鈔書嘗鈔王岐公華陽集百卷筆無倦意豈特其書可貴重哉亦可見其為人矣

跋魯直書大戴踐阼篇

上古之文幸不泯者率非後世所可及不必壞魯壁發汲冢而得之乃可信也丹書之辭如此武王之銘如此



雖微大戴禮載之可置疑哉某鄉先生傳公子駿為學者言洪範自無偏無黨至歸其有極三十二字皆古所傳為人君之常訓箕子申以告武王吳棫才老著尚書禪傳以為得此說於虞仲琳少崔少崔學於傳公此三十二字與丹書三十九字一傳於箕子一傳於師尚父武王敬受力行之卜世卜年之永有所自矣開禧三年五月辛卯故史官陸某識於黃太史所書踐阼篇後以遺廬陵彭君孝求

渭南文集卷第三十

渭南文集卷第三十一

山陰陸游務觀著

跋

跋唐昭宗賜錢武肅王錢券文

其按唐昭宗乾寧四年遣中使焦楚鎧賜吳越武肅王鐵券以八月壬子至國是歲武肅始兼領鎮東節出師大敗淮南兵十八營定發睦蘇湖州而鐵券適至蓋其國始盛時也及忠懿王入朝以其先王所藏玉冊鐵券置之祖廟不敢以自隨淳化元年杭州悉上之于朝時忠懿王已薨太宗皇帝復以冊券賜王之子安

僖王惟濬安僖王薨券歸文僖公惟演文僖公薨券傳  
仲子霸州防禦使晦霸州侍 仁宗皇帝燕間帝問先  
世所賜鐵券欲見之霸州并 三朝御書以進 帝為  
親識御書之末復賜焉文僖之孫開府公景臻尚秦魯  
國大長公主某年十二三時嘗侍先夫人得謁見大主  
鐵券實藏卧內狀如笏瓦今七十餘年乃得見錄本於  
武肅諸孫禎家後十字蓋文僖手書某家舊藏文僖書  
帖亦押字皆與此同武勝軍節度使印則文僖尹洛時  
所領鄧州節鉞也開禧三年六月乙巳山陰陸孝謹書

跋司馬端衡畫傳燈圖

司馬六十五丈抱負才氣絕人遠甚方少壯時以黨家  
施用於時欲有寓其曾中浩者遂放意於畫落筆高  
妙有顧陸遺風某嘗以通家之舊親聞其論畫衷終  
日如孫吳談兵臨濟趙州說禪何其妙也每恨是時不  
能紀錄一二以遺後之好事者今獲觀傳燈圖恍如接  
言論風指時稽首太息不能自已開禧丁卯十月丁未  
山陰陸某謹題

跋呂伯共書後

紹興中某從曾文清公遊公方館甥呂治先日相與講  
學治先有子未成童卓然穎異蓋吾伯共也後數年伯

共有盛名從之學者以百數不幸中道奄忽而予幾九十尚未死攬其遺墨大抵忠信篤敬之言也為之涕下開禧丁卯歲十二月乙巳山陰陸某書

跋張敬夫書後

隆興甲申其佐郡京口張忠獻公以右丞相督軍過焉先君會稽公嘗識忠獻於掾南鄭時事載高宗皇帝實錄以故某辱忠獻顧遇甚厚是時敬父從行而陳應求參贊軍事馮園仲查元章館於予解中蓋無日不相從迨今讀敬父遺墨追記在京口相與論議時真隔世事也開禧丁卯十二月乙巳山陰陸某書

跋劉戒之東歸詩

乾道中予與戒之同在宣撫使幙中同舍十四五人宣撫使召還予輩皆散去范西叔宇文叔介最先下世其餘相繼凋落至開禧中獨予與張季長猶存今春季長復考終於江原予年開九秩獨幸未書鬼錄偶得戒之郎君市征君所藏送行詩觀之恍然如隔世事也為之流涕丁卯十二月乙丑渭南伯陸某書于山陰老學菴

跋秦淮海書

黃豫章秦淮海皆學顏平原真行豫章晚尤自稱許淮海則退避不肯以書自名亦各其志也嘉定改元四月

已酉山陰陸某書

跋柳書蘇夫人墓誌

近世著杜詩者數十家無一字一義可取蓋欲著杜詩須去少陵地位不大遠乃可下語不然則勿著可也今諸家徒欲以口耳之學揣摩得之可乎書家以鍾王為宗亦須升鍾王之堂乃可置論耳爾來書法中絕求柳誠懸輩尚不可得書其可遽論哉然予為此言非獨觸人亦不善自為地矣覽者當粲然一笑也嘉定元年四月已酉陸某書

跋朱希真所書雜鈔

朱先生與諸賢當建炎間裔夷南牧群盜四起時猶相與講學如此吾輩生平世安居鄉里乃欲飽而嬉可乎嘉定之元四月乙酉陸某書于山陰老學菴時年八十有四

跋為子適書詩卷後

子適持尺紙求錄詩期年矣以乃翁衰疾不忍迫蹙予更以此念之為寫終此卷然此兒近者時出所作皆大進論建安黃初以來至元和後詩人皆有本未歷可聽吾每為汗出因併記之嘉定戊寅五月乙巳放翁書時年八十有四

跋呂文靖門銘

一言可以終身行之者其恕乎此聖門一字銘也詩三百一言以蔽之曰思無邪此聖門三字銘也其簡且盡如此學者苟能充之雖入聖域不難矣丞相中國文靖呂公作門銘自忠孝十有八字廣吾夫子之訓以遺後人某得本於公元孫祖平敢再拜書其後致願學之意嘉定元年夏五月辛亥山陰陸某謹識

跋傅給事竹友詩橐

王逸少寫經換鵝給事傅公籠鵝換竹二者皆山陰勝絕事然換鵝事人皆能道之換竹事未甚著鄉人以為

恨獨某曰是不足恠也逸少志在物外不肯輕為世用故換鵝事易傳給事方南渡之初忠義大節一時稱首雖困於讒誣用之不盡然至今聞其風者可立褻濡則換竹事固應不傳蓋所見於世者大也給事遺文百卷今藏祕閣某領策府時見之嘉定元年七月庚申陸某謹書

跋陳伯予所藏樂毅論

世傳中山古本蘭亭之流帶右天五字有殘闕處於是士大夫所藏蘭亭悉然又謂樂毅論古本至一海字止於是凡樂毅論亦至海字而亡其餘妄偽亂真大抵如

此今伯予此軸皆佳後一本尤敦腴可愛未可以海字為完論也嘉定戊辰歲七月己未山陰陸某務觀書

跋伯予所藏黃州兄帖

某之從父兄故黃州使君遺墨伯予書其後發揚大節至矣伏讀感涕不知所云先兄諱沆字子東仕至朝奉大夫嘉定元年七月己未山陰老民陸某謹書

跋詹仲信所藏詩稟

予平生作詩至多有初自以可他日取視義味殊短亦有初不滿意熟觀乃稍有可嘉處要走去古人遠爾仲信何處得予斷稟以見示為之屢歎乃題其後

忠賢何為引赦復官赦當及有罪耳無罪何赦也

徽祖曰光等變先帝法度非罪乎清敏公頓首曰誠

當變無可罪者方元符建中間衆正畢集於朝天下

喁喁想望太平清敏公與陳忠肅公俱極諫官御史之

選而所以言則有婉直之異吾先大父楚公每以為

二公之論皆不可廢蓋忠肅似孟子說齊而清敏似伯

夷諫周其歸一也今觀武威先生之論又甚似清敏百

世之下志士仁人得此書讀之當有太息流涕者矣乾

道壬午立秋日山陰陸某書

跋關著作行記

著作關公出使破中風采峻甚仕者人人震慄莫敢仰  
視其以孤生起罪籍萬里佐州淺闇滯拙自期且汰去  
而關公獨厚遇之舉酒賦詩談臺閣舊事忘其位之重  
也公免歸之明年某以事至卧龍山咸平寺長老惠璉  
言公往有行記今將刻之石因屬某書其末某曰方關  
公之門可炙平時此書伏不出今公歸卧青城山中賓  
客解散形勢一變而璉方刻其書為不朽計嗟乎是以  
愧士大夫矣陸道七年七日左奉議郎通判夔州軍州  
主管學事陸某謹識

跋司馬子微餌松菊法

乾道初予見異人於豫章西山得司馬子微餌松菊法  
文字古奧非妄庸所能附託八年又得別本於蜀青城  
山之丈人觀齋戒手校傳之同志十二月六日苕澤漁  
翁陸務觀書于玉華樓

跋周茂叔通書

濂谿之生也世但以佳士許之耳既死蒲左轄作誌黃  
太史作詩其稱述亦不過如此向使無二程先生後世  
豈知濂谿為大儒傳聖人之道者耶以此知人之埋沒  
無聞者何可勝計乾道壬辰十二月十五日成都驛南  
窓書

跋岑嘉州詩集

予自少時絕好岑嘉州詩往在山中每醉歸倚胡牀睡輒令兒曹誦之至酒醒或睡熟乃已嘗以為太白子美之後一人而已今年自唐安別駕來攝犍為既畫公像齋壁又雜取世所傳公遺詩八十餘篇刻之以傳知詩律者不獨備此邦故事亦平生素意也乾道癸巳八月三日山陰陸某務觀題

跋二賢像

右孟貞曜歐陽率更二像皆唐人筆墨北湖者吳則禮子傳也無悔者劉壽無言也最後實先君會稽公茶

一車駕渡江贈承事郎紹興初贈朝奉郎祕閣修撰官其三子賜田十頃

跋尼光語錄

予登豫章西山其上盖有光禪師塔焉及來成都又得師所說法要博辨奇偉雷霆一世猶有蜀忠文公立朝堂堂不撓於死生禍福之遺風信其為范氏女子也笠澤漁隱陸某

跋陳伯正所藏山谷帖

此卷不應携在長安逆旅中亦非貴人席帽金絡馬傳呼入省時所觀程子他日幅巾筇杖渡青衣江相竿喚



魚潭瑞草橋清泉翠樾之間與山中人共小巢龍鶴菜  
飯掃石置風爐煮蒙頂紫茁然後出此卷共讀乃稱尔  
跋張待制家傳

待制公躋於仕官晚途僅得一郎吏而感激國難冒兵  
渡河北行忠義之氣可沮金石方其客死靈丘寓骨雲  
中時雖夷狄異類亦為霄涕也今其家寢微一孫未去  
天官侍郎選公卿大夫乃未有表出之以為忠義勸者  
誠其所不識也

跋柳氏訓序

方批之為是書也際已長矣詩曰誨爾諄聽我藐悲天

跋祠部集

祠部叔祖詩文至多今皆不傳此小集得之書肆蓋石  
氏所藏也其謹識

跋消災頌

高道傳言此頌蓋武陵張尊師作尊師亦號白雲子豈  
以此故遂誤為子微乎玉笈齋書

跋摩論

高僧傳摩公化時年三十一耳所著書乃傳百世吾曹  
老而無聞可愧也

跋楚公奏檢

舊有海陵時錄白元本巨編大字有先左丞親書更定處今不復存此本紹興中先少師命筆史傳錄者其識  
跋宗元先生文集  
宗元先生吳貞節唐史有傳以歌詩名天寶中此一卷  
蓋見雲章寶室云放翁書

跋韓子蒼語錄

此故人范季隨周士所記也周士沒後數年得之於其子然予舊聞周士道韓公語極多尚恐所記不止於此當更訪之

跋孟浩然詩集

集有示孟郊詩浩然曰開元天寶間人無與郊相從之  
豈其人偶與東野同姓名耶晁伯以謂岳陽樓止有四句亦似有理

考之伯以之說蓋不然大抵浩然四十字詩後四句  
覺氣索如洞庭寄閻九歲暮歸南山之類皆然杜少  
評浩然詩云新詩句々盡堪傳豈當時已有此論故  
陵為揜之耶

越留別譙縣張主簿詩初云得與故人會後云浮雲  
吳會此亦是吳與會稽也

跋出疆行程

一書蓋陳魯公出使時官屬所記不知為何人也文雖鄙淺事頗詳洽故錄之

熙已酉秋錢愷之子端忠為金部外郎予在儀曹與同廊日會食嘗問此書誰所作端忠云刁廡也叔頗有文不應鄙淺如此恐未必然也放翁書

### 跋李衛公集

中執誼之為人順宗實及唐書載之甚詳正人所唾罵也今觀李衛公祭文稱譽之乃如此衛公之言固過矣文官所書無乃亦有溢惡者乎毀譽之可疑如此者多夫可勝歎哉執誼作相時實錄言嘗遷中書侍郎同平

事而史不書衛公又以為僕射雖小節亦即附見于此

### 跋徐節孝語

甲名在天下孰不知尊仰者雖無蘇公所云可也况八乎此集前後所載悉當削去陸某識

### 跋趙渭南詩集

八如韋蘇州五字趙渭南唐律終身所作多出此故石一代云

### 跋石鼓文辨

而興庚辰辛巳間在朝路識鄭漁仲好古博識誠佳士朝論多排詆之時計至三館借書故館中尤不樂云

跋西崑酬唱集

中嘗下詔禁文體浮豔議者謂是時館中作宣曲  
曲見東方朔傳其詩盛傳都下而劉揚方幸或謂  
宮掖又二妃皆蜀人而詩中有取酒臨叩遠之句賴  
愛才士皆置而不問獨下詔諷切而已不然亦殆哉

跋兼山家學

得此書時猶未識昌國後五年始同朝詳觀其為人  
度之士間相與論學輒忘昏旦乃知其得於子和先  
深矣昌國名其所居曰良齋亦以嗣兼山之學歟

跋淮海後集

悼王子開五詩賀鑄方回作也子開名遠居江陰既死  
返葬趙州臨城故有和氏干將之句方回詩今不多見  
於世聊記之以示後人放翁

跋張季長中庸辨擇

此書大槩似陳瑩中初著尊堯集識者當自得之

跋法書後

法書一編付子適能熟觀之亦可得法之梗槩矣

跋李太白詩

此本頗精今當塗本雖字大可喜然極謬誤不可不知也

跋重廣字說

字說凡數本蓋先後之異此猶非定本也

跋巖壑小集

朱希真夜熱坐寺庭五字一篇及病虎過

酒樓二古詩皆

出同時諸人上

跋王元澤論語孟子解

元澤之歿

詔求遺書荆公視篋中得論

語孟子解皆

細字書於策之四旁遂以上之然非成書也

也

渭南文集卷第三十一

